

Na osnovu člana 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10), na prijedlog Stručne službe Vlade, Vlada Zeničko-dobojskog kantona na 36. sjednici, održanoj dana 10.12.2015. godine, d o n o s i

ZAKLJUČAK

I.

Prihvata se Prijedlog mjera za realizaciju Inicijative Kolegija Skupštine Zeničko-dobojskog kantona za izmjenu načina dostave materijala za sjednice Skupštine Zeničko-dobojskog kantona koji čini sastavni dio ovog zaključka.

II.

Potrebna sredstva za realizaciju navedenih mjera u iznosu od 54.000,00 KM (slovima: pedestčetirihiljade konvertibilnihmaraka) su neophodna za jednokratnu nabavku opreme za komunikaciju i laptopa za poslanike Skupštine.

III.

Sredstva za realizaciju predloženih mjera u iznosu od 54.000,00 KM (pedestčetirihiljade konvertibilnihmaraka) planirati će se u Budžetu Zeničko-dobojskog kantona za 2016. godinu, na razdjelu 13, budžetska organizacija 01, potrošačka jedinica 0001, ekonomski kod 821300, Služba za zajedničke poslove, pozicija „Nabavka opreme“.

IV.

Zadužuje se Odjeljenje za informatičku podršku Stručne službe Vlade za tehničku realizaciju predloženih mjera, a Služba za zajedničke poslove i Ministarstvo finansija za realizaciju nabavke predloženih roba iz Prijedloga mjera za izmjenu načina dostave materijala za sjednice Skupštine Zeničko-dobojskog kantona.

V.

Zaključak stupa na snagu danom donošenja.

Broj: 02-_____ /15.

Datum, 10.12.2015. godine

Zenica

PREMIJER

Miralem Galijašević

DOSTAVLJENO:

1x Stručna služba Vlade,

1x Stručna služba Skupštine

1x Služba za zajedničke poslove,

1x Ministarstvo finansija,

1x a/a



Zenica, 27.10.2015. godine

Prijedlog mjera za realizaciju Inicijative Kolegija Skupštine Zeničko-dobojskog kantona za izmjenu načina dostave materijala za sjednice Skupštine Zeničko-dobojskog kantona

1. UVOD SA OBRAZLOŽENJEM

Uzimajući u obzir Odluku o korištenju elektronskih mreža u Zeničko-dobojskom kantonu („Službene novine Zeničko-dobojskog kantona“ br. 05/13) Odjeljenje za informatičku podršku Stručne službe Vlade je u obavezi da predlaže mjere u cilju unapređenja rada na mreži i povećanju njene sigurnosti, kao i uvođenje novih tehnologija na postojeće sisteme.

2. POSTOJEĆE STANJE

Izmjenom službene web stranice Zeničko-dobojskog kantona u okviru USAID-ovog Projekta jačanju institucija vlasti i procesa u Bosni i Hercegovini završenog u julu 2014. godine omogućena dostupnost materijala za sjednice Skupštine u elektronskom obliku, ne samo za registrovane korisnike/poslanike, nego za sve korisnike stranice.

Iako je tada dogovoreno sa donosiocima projekta da se gore pomenute izmjene rade kako bi se napravile izvjesne uštede printanja, kopiranja, papira i otpreme obimnih materijala za sjednice Skupštine, nastavilo se praksom dostave akata u pisanom obliku.

Aktima 01/02-14-14473-2/15 i 01/02-14-14473-3/15 Kolegij Skupštine uputio je inicijativu poslanika Rasima Skomorca, te zahtjeva stav Vlade po pitanju istog radi planiranja prelaska na elektronsku dostavu materijala, te eventualnog budžetiranja.

Kolegij Skupštine je na 19. Sjednici održanoj 01.10.2015. godine prihvatio navedenu inicijativu obrazloženu od strane Stručne službe Vlade, Odjeljenje za informatičku podršku, te zatražio preciznu razradu analize realizacije i planiranja troškova u narednoj budžetskoj 2016. godini.

3. PREDNOSTI OSTVARENE ELEKTRONSKOM DOSTAVOM MATERIJALA ZA SJEDNICE SKUPŠTINE

Uvidom u evidenciju Službe za zajedničke poslove samo poštanski troškovi slanja materijala za sjednice Skupštine iznose na godišnjem nivou:

cca 8646,00 KM.

Printanje/kopiranje materijala za oko cca 12 sjednica godišnje, sa po cca 1000 stranica po sjednici, a na osnovu analize rađene za Centralizovano printanje, kopiranje/printanje trenutnim resursima košta 0,064 KM/stranici, u uobičajenih 75 kopija (za poslanike, goste, novinare), te na osnovu ovih ulaznih podataka izračunom dobivamo da je printanje/kopiranje pomenutih materijala na godišnjem nivou:

cca 57600,00 KM.

Osim ovih troškova potrebno je uzeti i u obzir trošak papira po cijeni od 0,00477 KM/stranici, što je na godišnjem nivou:

cca 4293,00 KM,

te skrivene troškove cijene koštanja radnog vremena uposlenika koji rade na ovim poslovima, održavanje uređaja za printanje itd.

Ovako izneseni samo vidljivi troškovi dostave pisanih materijala za sjednice Skupštine na godišnjem nivou iznose:

cca 70539,00 KM.

Iznesenom inicijativom traženo je da se omogući svim poslanicima elektronska verzija materijala što onda povlači nabavu laptopa za 35 poslanika Skupštine, te obezbjeđenje kvalitetnije bežične veze u Sali 301. u kojoj se održavaju Sjednice Skupštine.

Trenutno je u korištenju u Sali 301. mali WiFi router koji nije bio dovoljan da obezbjedi ispravan internet saobraćaj u slučajevima kada je više korisnika u Sali 301, jer zapravo i nije za tu namjenu.

Jedno kvalitetno rješenje obezbjeđenja bežične konekcije namjenjeno za sale ovakvog kapaciteta podrazumjeva dva Access Pointa radi obezbjeđenja kvalitetnog signala u svakom dijelu sale za sve korisnike i uređaj koji će raditi balans i upravljanje regulacijom broja klijenata, te eliminacijom eventualnih smetnji u eteru i prilagodbom na iste.

Ovakavo tehničko rješenje ne zahtjeva nikakvu rekonstrukcije sale 301, a u stanju je da obezbjedi kvalitetnu bežičnu konekciju i jak signal za i više od 130 korisnika/sjedećih mjesta u Sali 301.

Pomenuto rješenje se uobičajeno koristi u kongresnim salama, hotelima i drugim mjestima u kojima je potrebno ispuniti gornje zahtjeve za bežičnom mrežom, a njegova jednokratna nabavka je: cca 5000,00 KM.

Nabavka laptopa za 35 poslanika Skupštine kako bi u svakom momentu i na sjednici i pri obavljanju drugih poslova mogli obezbjediti dostupnost elektronskih materijala za sjednice Skupštine je znatno veći trošak, ali je opet reći jednokratno, uzevši u obzir da će se laptopi zadužiti na Stručnu službu Skupštine, kao što je to slučaj sa laptopima namjenjenima za sjednice Vlade.

Tehničke karakteristike laptopa koji bi se nabavljali za ove potrebe procesora i5, display 17.3" , RAM 8GB; HDD 1TB, te okvirne cijene cca 1400,00 KM/kom, za 35 poslanika Skupštine daju trošak od: cca 49000,00 KM.

Dakle i nabavka laptopa i obezbjeđenje kvalitetne bežične veze u Sali 301, sa jednokratnim ulaganjem od:

54000,00 KM

je manja od godišnjeg troška papira, printanja, kopiranja, dostave fizičkih materijala za sjednice Skupštine, te ovom analizom predlažem razmatranje iznešenog prijedloga na osnovu nepobitnih ušteda za budžet Kantona.

4. PRIJEDLOG

U cilju realizacije predloženih mjera predlažemo Vladi Zeničko-dobojskog kantona donošenje zaključka dostavljenog u prilogu.

Obradila:

Savjetnik za planiranje i razvoj IT

Senija Zukanović

SEKRETAR

Mirsad Kadić